

- SAMARIA. De regione & urbe sic dicta varia habet digna lectu *Joan. Lightfootius* Chorogr. Matthæo præmissæ Cap. LVI.
- SAPHONITES. *Meliùs fortè*, inquit, *Aphronites*. Sine dubio deterius; est enim, in Hebræo Codice, *השפני* *hasschiphni*, & LXX habent *σφνι*, unde liquet primam vocis litteram Latine esse oportere S. Sed facile extrita est, quia antecedens vox est *Zabdiar*. Hoc animadversum oportuisset à correctoribus Romanis, qui perperam ediderunt *Aphronites*.
- SAREPHTA. Hebraicè *צרפת* *tsarphath*. De hac urbe ejusque situ egit *Joan. Lightfootius* Chorograph. Lucæ præmissorum Cap. II.
- SAROHEN. Saharim & Selim vult esse varia ejusdem urbis nomina, aut saltem variè exscripta. Neutrum puto verum. *שלהם* *Silhim* est tribus Judæ oppidum Jos. xv. 32. *שרון* *Scharoukhen* tribus Simeonis Jos. xix. 6. *שערים* *schabarajim* 1 Par. iv. 31. tribus item Simeonis. Scio vicinas fuisse tribus, & fortè in finibus permistos fuisse Simeonitas cum Judæis. Sed nihil cogit hæc nomina esse ejusdem urbis, aut malè exscripta.
- SARON. Dicitur mons in tribu Afer ex Esai. xxxi. 9. & xxxv. 2. Non video cur illic non possit sermo esse de Sarone Galaaditico; de quo 1 Par. v. 16. aut de Sarone, vel planitie ad Joppen & Lyddam. Neque enim quia illic Libano jungitur Saron, ideò est in Aferis tribu necessariò quarendus, magis quàm Charmel, qui eodem loco memoratur.
- SARON, de quo 1 Par. v. 16. in tribu Gad, non est fortè idem ac locus, de quo ejusdem libri Cap. xxvii. 29. potest enim hic posterior locus, intelligi de Sarone ad Lyddam & Joppen. Vide *Jac. Bonfrerium* ad *Lafaron*, in Onomastico urbium & locorum S. Scripturæ, & *Joan. Lightfootium* Cent. Chor. Matthæo præmissæ Cap. xvii.
- SARTHAN. Meminit ad hanc vocem oppidi *Adon* ex Jos. iii. Legendum *Adom*, *אדום*, ut & habent emendata Vulgatæ exemplaria.
- SCYTHOPOLIS. Eadem ac Bethsan, de qua vide quæ collegit *Joan. Lightfootius* Cent. Chorogr. Matthæo præmissæ Cap. LX.
- SEGOR. Hebraicè *צוּר* *tsohar*. Situm fuit hoc oppidum, ad ortum Maris Mortui versùs meridiem. Vide quæ de hoc loco habet *Joan. Lightfootius* Cent. Chorogr. Matthæo præmissæ, Cap. v.
- SEMECHONITIS LACUS. Idem ac *aqua Merom*. Ejus descriptionem ex Josepho & Rabbinis vide ibidem Cap. LXIX.
- SENNA. *Alibi*, inquit, *Sina* scribitur; sic debet scribi, si punctationem Massorethicam sequamur, est enim *צנה* *tsnah*.
- SENNAAR. Rectiùs dicas esse Babyloniam, quàm *Chaldeam*, quæ est pars *Assyriæ*: quæ loquutio impropria & incommoda est. De hoc tractu copiosè egit *Sam. Bochartus* Phalegi Lib. i. c. 5.
- SEPPHORIS. Maxima urbium Galilææ *Josepho* de Bello Jud. Lib. iii. c. 3. & apud Scriptores Thalmudicos celebris. Vide *Joan. Lightfootii* Centur. Chorograph. Matthæo præmissam Cap. LXXXII.
- SIDON. Videtur esse nomen urbis, non hominis. Consule eundem *Bochartum* ejusdem operis Lib. iv. c. 35.
- SIHOR. Rectè notat esse urbem in Tribu Judæ Jos. xv. 54. quæ scribitur *צִיְהוֹר* *tsihor*. Sed nihil habet commune cum fluvio Ægypti *שִׁיְהוֹר* *schihhor*, qui quasi limes est meridianus, ad mare occiduum, Judææ. Vide quæ diximus ad Gen. xv. 18. Hinc intelligere licet, ut ex aliis fermè omnibus quæ antea à nobis dicta sunt, quanti momenti sit Hebraicè scire, ut Geographia Sacra illustrari queat; nec satis scio qui viri ingeniosi & ceteroquin eruditi, sine eo subsidio, talia aggredi sustinuerint.
- SIMONIAS. Addi potuit, ex *Josepho* p. 1007. eum vicum fuisse *ἐν μεθορίαις καί μενον τῆς Γαλιλαίας*, situm in finibus Galilææ; omisâ *Adrichomii* auctoritate, qui nihil hac de re, nisi ex *Josepho*, proferre certi potuit.
- SPECULA. *Aliàs*, inquit, *Spelunca*. Mendosè, sine dubio, cùm sit in Hebræo textu *הַמַּצְפָּה* *hammitsphah*, 2 Par. xx. 24.
- SPELUNCA LOT. In Tabulis est ad occasum Maris Mortui, cùm sit collocanda ad ortum, ubi sedes Moabitarum & Hammonitarum. Ex eodem latere collocanda etiam *Segor*, aut *Tsohar*. Vide *Joannis Lightfootii* Cent. Chorograph. Matthæo præmissam, Cap. v.
- SYRIA. De Syriæ amplitudine nominisque ambiguitate consulenda præsertim erudita Prolegomena *Joan. Seldeni*, in librum de Diis Syris.
- SYROPHOENISSA mulier Marco Cap. vii. 26. meritò dicitur Chananæa à Matthæo Cap. xv. 22. quia Phœnices sine dubio erant Chananæi. Miror virum doctum dubitanter ea de re loqui, qui antea dixit Sidonem fuisse primogenitum Chanaanis. Vide Interpretes ad Matthæum.

T.

TANIS *aliàs*, inquit, *Tapbnis*. Fallitur, nam Tanis metropolis inferioris Ægypti, tempore Moïsis, Hebraicè dicitur *צִיְהוֹן* *tsoban*; Thapbnis verò *תַּבְנִי* *thabphankhes*, quæ sunt diversissima nomina. Prior urbs à Græcis vocatur *Tanis*, posterior *Daphnæ*. De utraque sat multa dicta sunt à viro doctissimo *Joanne Marshamo* in Chronico Canone. De Tani etiam exstat nunc Epistola *Sam. Bocharti* ad *Sanctamantium*, scriptorem Poë-